

Ուրիշ խօսքով՝ Հայաստանի սահմանները մէկ մասով ընդհանուր են անդրկովկասեան երկիրներին հետ, որոնց հետ նա կապուած է խորհրդային — դաշնակցային կապերով, իսկ բոլորն էլ միասին առած՝ Խորհրդային Միութեան հետ: Միւս մասով մեր երկրի սահմանները ընդհանուր են պետականօրէն բոլորովին անկախ քաղաքական երկու միաւորների հետ — Տաճկաստանի եւ Պարսկաստանի:

Այս վերջինը այդ տեսակէտից գրեթէ հաշուի առնելու չէ, այնչա՛փ աննշան են մեր ընդհանուր սահմանները, (Ջանգեզուրում, Երասխ գետ), եթէ միշէւ իսկ նկատի չունենանք այն սրարազան, որ նրանք անգամ անմիջական հաղորդակցութեան ընդհանուր միջոցներից դուրկ են, գտնուում են նրանցից դուրս:

Պարսկաստանի եւ Հայաստանի բնակա՛ն սահմանների մէջ մտնող Նախիջևեանի շրջանն էլ, դիտենք արդէն, մեր երկրի պետական-վարչական կազմից խլուած է, որով մենք փաստօրէն գտնուում ենք Պարսկաստանի անմիջական հարեւանութիւնից:

Այսպիսով՝ Տաճկաստանը մնում է այն միակ անկախ պետութիւնը, որի հետ ընդհանուր սահմաններ ունինք Ախուրեան եւ Երասխ գետերով, եւ որոնց այն կողմը անմիջապէս ընկնում են Կարսի ու Կաղզուանի շրջանները եւ Սուրմալուն: Անգամ Մասի՛սը գտնուում է ներկայ Հայաստանից դուրս:

Քաղաքական տեսակէտից անկարեւոր պարագայ չէ նաեւ այն, որ մինչեւ անգամ Նախիջևեանի ինքնավար հանրապետութիւնը — անմիջապէս կամ միջնորդապէս, այս կամ այն չափով, — Տաճկաստանի՛ փաստական ազդեցութեան տակ է գտնուում: Ասել պէտք չէ արդէն, որ բուն Ռուսաստանի հետ մենք հեռաւոր կերպով իսկ հարեւանութիւն չունինք, քանի որ մեր եւ նրա միջեւ ընկած են ոչ միայն Ադրբէջանը եւ Վրաստանը, այլ եւ, վերջինների ու Ռուսաստանի միջեւ, Գաղստանը եւ Հիւսիսային Կովկասի լեռնական ժողովուրդների բազմանուն եւ բազմազան հանրապետութիւնները:

Միայն Վրաստանն է, որ հիւսիս-արեւմուտքից, Սեւ Մովի եզերքին, անմիջապէս սահմանակից է բուն Ռուսաստանի մաս կաղ-

մող Սեւ-ծովեան երկրամասին, եթէ միայն՝ սրա եւ Վրաստանի միջեւ տարածուող Աբխազիան (Սուխումի շրջան) հաշուելու լինինք Վրաստանի անբաժան մաս:

Իր արդի սահմաններում, ասացինք, Հայաստան գրաւում է շուրջ 30,000 քմ. (26,555 քառ. վերստ) տարածութիւն: Նա բաժանուած է հետեւեալ ութը գաւառների եւ մէկ շրջանակի (գաւառակ): 1. Երեւանի գաւառ, 2. Էջմիածնի գ., 3. Լենինականի (Ալ-Պոլի) գաւառ (Շիրակ), 4. Փամբակ-Լոռիի գաւառ, 5. Դիլիջանի գաւառ, 6. Նոր-Քայազէտի գաւառ, 7. Գարաբաղեաղի գաւառ, 8. Ջանգեզուրի գաւառ եւ 9. Մեղրիի գաւառակ (շրջանակ):

Սրանցից Փամբակ-Լոռին, Դիլիջանը, Նոր-Քայազէտը ամբողջովին կամ գրեթէ ամբողջովին լեռնային շրջաններ են: Այնտեղ հրնարաւոր է միայն համապատասխան տնտեսութիւն — անասնապահութիւն, կաթնասնտեսութիւն, մեղրաբուծութիւն եւ այլն: Երկրագործութեամբ թէեւ զբաղուում է ժողովուրդը, բայց սակաւ արդիւնք է ստանում գրանից: Լենինականի գաւառը թէեւ մեծ մասով հարթավայր է (Շիրակ), բայց ծովի մակերեւոյթից խիստ բարձր (միջին հաշուով 5,000 ոտք), դրա հետ միասին գարերի ընթացքում հողը յոգնած, ուժասպառուած լինելով՝ դարձեալ սակաւ արդիւնաբեր է: Կլիմայական պատճառներով երկրագործութիւնից եւ մասամբ էլ անասնապահութիւնից ու յարակից զբաղումներից դուրս՝ ուրիշ տնտեսութիւն գրեթէ չէ վարում մեր ժողովուրդը:

Մնում են ուրեմն Երեւանի ու Էջմիածնի գաւառները եւ Մեղրիի շրջանակը, որոնք մեծ մասով դաշտային լինելով եւ տաք կլիմայ ունենալով՝ ընդունակ են դարգացնելու ո՛չ միայն հացարոյսերի մշակութիւնը, այլ եւ արտադրելու բամպակ եւ ծխախոտ, ինչպէս նաեւ կարեւոր տեղ յատկացնելու այգեմշակութեան եւ յարակից զբաղումների: Սրա հետ մէկտեղ մոնալու չէ սակայն նախ այն սրարազան, որ ա՛յդ գաւառների էլ մէկ մասը դուրս է գուտ դաշտային գօտիից (Աբարան եւն.) մէկ էլ այն, որ այս գօտին ինքնին չա՛տ փոքր տարածութիւն է գրաւում, որով եւ խիստ սահմանափակ է նրա տնտեսական բացարձակ նշանակութիւ-